

«Գյումրու թիվ 4 արհեստագործական պետական ուսումնարան»

ՊՈԱԿ

Մասնագիտությունը

«Վարսավիրական արվեստ և զարդարային
դիմահարդարում»

Մոդուլի անվանումը՝

«Կանանց մազերի կտրում»

Արդյունք 1. Մազերը նախապատրաստել կտրման

Թեմա 1.1 Աշխատանքի նախապատրաստում

Վարսավիրության ոլորտում կտրվածքի իրականացումն ամենադժվար, կարևոր և մի քանի փուլ պարունակող բարդ գործընթաց է: Կտրվածքի կատարման որակից է կախված մոդելավորման հաջողությունը, այն է՝ ապագա սանրվածքի տեսքը:

Կտրվածքի նախապատրաստական փուլում հարկավոր է ստուգել գործիքների հիգիենիկ վիճակը, կրել աշխատանքային համապատասխան հագուստ, ձեռքերն օճառով լվանալ և ապա անցնել հաճախորդին սպասարկելու: Նախ անհրաժեշտ է սանրել նրա մազերը՝ ստուգելով մազերի և գլխամաշկի վիճակը: Եթե վարսահարդարը հայտնաբերում է, որ հաճախորդն ունի որևէ մաշկային հիվանդություն, ապա նա կարող է հրաժարվել տվյալ հաճախորդին սպասարկելուց:

Նախքան բուն աշխատանքին անցնելը՝ վարսահարդարը պետք է ու շաղիր լսի հաճախորդին, որպեսզի իր մասնագիտական խորհուրդներով օգնի նրան ճիշտ կողմնորոշվելու կտրվածք ընտրելու հարցում:

Հաճախորդի տեսքը վարսահարդարումից հետո մեծապես կախված է կտրվածքի ճիշտ ընտրությունից և դրա արհեստավարժ կատարումից: Հաջողված է համարվում այն կտրվածքը, որը հետագայում քիչ խնամք է պահանջում:

Կախված կտրվող մազի երկարությունից և տեսակից՝ ընտրում են օգտագործվող համապատասխան գործիքներն ու կտրելու տեխնիկան:

Այսօր կտրվածքները բազմազան են: Ըստ կտրման տարբեր տեխնիկա- ների՝ դրանք կարող լինել և՛ կարճ, և՛ ուղիղ, և՛ շերտավոր:

Մրանցից ցանկացածը կարող է լինել համաչափ /սիմետրիկ/ կամ անհամաչափ /ասիմետրիկ/: Համաչափ է համարվում այն կտրվածքը, որի և՛ աջ, և՛ ձախ հատվածներն ունեն հավասար երկարություն ու նույն կառուցվածքը և հակառակը՝ անհամաչափ են, երբ համապատասխանությունը բացակայում է:

Կտրվածք իրականացնելիս սանրը և մկրատը պահում են աջ ձեռքում:

Մկրատի մեկ օղակը հագցնում են բթին, մյուսը՝ մատնեմատին և մկրատը բացում միայն կտրելու պահին: Սանրելիս այն հանում են բթից և պոչը թաքցնում ափի մեջ՝ սանրը բռնելով բթով և ցուցամատով: Կտրվող մազափունջը պահում են ձախ ձեռքով՝ կտրելու պահին սանրը փոխանցելով ձախ ձեռք:

Կարճ մազերը կտրում են գլխի հետնամասից կամ գագաթից /որոշ դեպ-

քերում հնարավոր է նաև կտրումն սկսել նաև կողմնային հատվածներից/: Հետո անցում է կատարվում կողմնային հատվածներին: Հետնամասը և կողմնային հատվածները համապատասխանեցնելուց հետո սկսում են կտրել գագաթային հատվածի մազերը: Գագաթից սկսվող կտրվածքների ժամանակ մազաբաժանում չի կատարվում: Դասական շերտերով կտրվածքը սկսում են գագաթի հատվածից. վերցնում են 1-ին շերտը և կտրում, նկատի

ունենալով, որ հաջորդող շերտերը լինելու են ավելի երկար: 1-ին կտրված շերտը լինում է ամենակարճը և մյուս շերտերի համար ծառայում է որպես չափ: Գլխի բոլոր մազերը բարակ շերտերով աստիճանաբար բարձրացնում են 1-ին կտրված շերտի ուղղությամբ և նույն երկարությամբ կտրում: Ճակատային մազափունջը կարող է լինել հաջորդ շերտերի շարունակությունը կամ առանձնանալ իր չափով:

Շատ կարճ կտրվածքների ժամանակ, երբ կտրվող մազափնջի երկարությունը բավարար չէ այն ցուցամատի և միջնամատի օգնությամբ բռնելու համար, մկրատը և սանրը աշխատեցնում են միաժամանակ: Սանրը բռնում են ձախ ձեռքով, իսկ մկրատը՝ աջ: Սանրի ատամները դեպի վեր՝ սանրում են ներքևից վերև և միննույն ժամանակ կտրում:

Ուղիղ կտրվածքներն իրականացվում են շերտը շերտի հետ չափելով: Շերտերը վերցնում են շատ բարակ, որպեսզի նախորդ շերտը թափանցի և կտրվածքը հավասար լինի: Կտրվող մազի անկյունը 0° է:

Շերտավոր կտրվածքները կարելի է սկսել թե՛ վերևից, թե՛ ներքևից: Որքան կտրման անկյունը մեծ է, այնքան շերտերը կարճ են, և որքան անկյունը փոքր է, այնքան շերտերը քիչ են: Եթե ամբողջ կտրվածքն իրականացվում է 90° անկյան տակ, ապա գլխի ցանկացած հատվածում մազերն ունենում են նույն երկարությունը:

Շերտերի քանակի ընտրությունը կախված է մազի խտությունից: Հորիզոնական կերպով շերտը վերցնելիս ստեղծվում է անկյուն, իսկ անկյան աստիճանից կախված է շերտերի հաճախականությունը: Երբ մազերը գլխի բոլոր հատվածներում ունեն նույն երկարությունը, հարկավոր է կտրվածքն անել 90° անկյան տակ: Եթե եզրագծի հատվածում մազի չափն ուզում ենք ստանալ երկար, իսկ գագաթում կարճ, ապա անկյան աստիճանը մեծացնում ենք: Կարճից երկար կտրվածք ստանալու համար ցանկալի է աշխատել 45° անկյան տակ: Ամբողջ մազերը մեկ երկարությամբ կտրելու դեպքում անկյան աստիճանը 0° է: Ցանկացած կտրվածքի կատարման ժամանակ հարկավոր է համեմատել աջ և ձախ կողմերը:

Բոլոր կտրվածքները կարելի է բաժանել 2 խմբի՝

1. հակադիր /կոնտրաստ/ կտրվածք, որի դեպքում գլխի մակերևույթի մազերն ունեն տարբեր երկարություն.

2. ոչ հակադիր /ոչ կոնտրաստ/ կտրվածք, որի դեպքում գլխի տարբեր հատվածներում մազերն ունեն նույն երկարությունը:

Ցանկացած կտրվածքի ժամանակ կատարվում է մազաբաժանում՝ աշխատանքը հեշտացնելու նպատակով: Մազերը բաժանում ենք բաժուկնե րի /проборы/, որոնք էլ որոշում են ապագա սանրվածքի ձևը: Այդ աշխատանքը հարկավոր է կատարել ճշտությամբ:

Բաժուկը ուղիղ գիծ է, որը գլխի մազածածկույթը բաժանում է երկու հավասար կամ անհավասար մասերի: Այն լինում է հորիզոնական, ուղղահայաց, շառավղային և ճառագայթային:

Հորիզոնական բաժուկը զուգահեռ է հատակի մակերեսին:



Ուղղահայաց բաժուկը ուղղաձիգ է հատակի մակերեսին:

Շառավղային բաժուկը գտնվում է ուղղահայաց կամ հորիզոնական բաժուկների նկատմամբ՝ 45° անկյան տակ, ինչն էլ կտրվածքի ժամանակ հնարավորություն է տալիս ստանալու մազերի առավել երկարություն: Ճառագայթային բաժուկներն սկիզբ են առնում մի կետից:

Հարցեր

Ինչպիսի՞ նախապատրաստական աշխատանքներ է հարկավոր կատարել մազերը կտրելու համար:


Թեմա 1.2 Մազաբաժանման կատարում



- 1. Վերնի ծոծրակային
- 2. Ներքևի ծոծրակային
- 3. Գագաթային
- 4. Քունքային


Հորիզոնական բաժուկը անցնում է մի ականջից մյուսը մինչև ծոծրակի ուռուցիկ մասերը:

Ուղղահայաց բաժուկն սկսվում է ճակատի մեջտեղից և վերջանում ծոծրակի մեջտեղում:



Սլաք-բաժուկն /«сагиттальный»/ լատ.՝ sag- itta սլաք/ սկսվում է մի ականջից և հասնում է մինչև մյուս ականջը՝ անցնելով գլխի ամենա- բարձր կետով: Այն բաժանում է գլուխը ճա- կատային- գագաթային և ծոծրակային հատ- վածների:

Գլխի ամենաբարձր կետը գտնվում է գագաթային հատվածում, որտեղ գլխին դրված սանրն ընդունում է հորիզոնական դիրք:



Կողմնային բաժուկն առանձնացնում է գազաթային հատվածը քունքային հատվածից: Կողմնային բաժուկը ճակատային փոսիկից մինչև սլաք-բաժուկն ընկած հատվածն է:

Այս բոլոր բաժուկների միջոցով ստանում են գազաթային, երկու քունքային, վերնի և ներքևի ծոծրակային հատվածներ:

Հարցեր

Ի՞նչ է բաժուկը:

Մագարաժանման քանի՞ տեսակներ կան:

Արդյունք 2.Կատարել մագերի կտրում ըստ հրահանգի

Թեմա 2.1 Մազերի կտրում՝ կտրման տարբեր մեթոդների և հնարքերի կիրառմամբ

Ժամանակակից կտրվածքները կատարվում են ինչպես թաց, այնպես էլ չոր մազերի հենքի վրա:

Չոր մազերով կտրվածք կատարելու համար մազերը լվանում են և թե- թևակի չորացնում: Կտրվածքի ժամանակ մազերն անընդհատ սանրում են և հետևում, որ դրանք թափվեն իրենց բնական աճի ուղղությամբ: Չոր մա- զերի վրա կտրվածք կատարելու ընթացքում անհրաժեշտ է հնարավորինս ուժեղ ձգել մազափունջը:

Սովորաբար կտրվող մազերի երկարությունը և սանրվածքի հիմնական ուղղությունները որոշվում են թաց մազերի վրա: Հարկավոր է հետևողա- կան լինել, որ բոլոր մազերը թրջվեն հավասարաչափ: Կտրվածքն իրակա- նացնելիս հարկավոր է այս հանգամանքը հաշվի առնել, քանի որ թաց մազերը 0,5 սմ -1 սմ ավելի երկար են երևում, քան չոր մազերը: Հատկապես պետք է ուշադիր լինել գանգուր /ալիքաձև/ մազերի հետ աշխատելիս:

Մազերը կարելի է թրջել նաև հեղուկացրի միջոցով՝ ձեռքի ու սանրի օգնությամբ խոնավությունը տարածելով գլխի ողջ մակերեսով:

Կարճ մազերը կտրելուց հետո հարկավոր է դրանք մեկ անգամ լվանալ՝ կտրատված մազերը հեռացնելու նպատակով /սա պարտադիր չէ երկար մազերի պարագայում/: Կտրելուց հետո հարկավոր է մազերը չորացնել՝ ցույց տալով հաճախորդին, թե ինչպես կարելի է հարողարել տվյալ կտրվածքը:

Երկար մազերի կարճացում

Երկար մազերի կարճացումը կատարվում է և՛ մկրատի, և՛ ածելիի օգ- նությամբ: Ածելիով աշխատելու ժամանակ անհրաժեշտ է սանրած մազա- փունջը բռնել բթամատով և ցուցամատով, այնուհետև ածելին մոտեցնել մազերին՝ ուղիղ անկյան տակ: Այս ձևով մշակվում են միայն թաց մազերը: Երկար, ոչ խիտ մազերը կարելի է կարճացնել մկրատով: Մազափունջը պտտեցնում են՝ վերածելով զսպանակի նմանվող ամուր հանգույցի: Դրա- նից հետո կտրման գիծը ուղիղ մկրատով հավասարեցնում են այնպես, որ մազերի երկարությունը նախատեսվածից 2-3 սմ-ով ավելի լինի:

Երկար մազերը կարելի է կտրել տարբեր ձևերով: Եթե մկրատը բռնենք մազերի առանցքին ուղղահայաց, ապա կտրվածքը կունենա շրջանի ձև և այն կանվանենք «ուղիղ»: Իսկ եթե մկրատը բռնենք մազերի առանցքի նկատմամբ՝ որոշակի անկյան տակ, ապա կստանանք ձվաձև կտրվածք,

որն էլ կանվանենք «շեղ»:

Կտրվածքի ձևը որոշելուց հետո հաճախորդի մազերը լվանում են, ծած- կում նրան թիկնոցով և անցնում կտրման բուն գործընթացին:

Մազափնջերի մշակման ձևերը

Ներկայացվում են մազափնջերի մշակման (կտրման) հետևյալ ձևերը՝
z ներքին.

z արտաքին.

z կարճացում և ֆիլիրովկա՝ «պոյնտինգ» (пойнтирование).

z մազերի հանում (выщипывание).


z սահող կտրվածք՝ «սլայսինգ» (слайсинг):



Մազերի ներքին կտրումն օգտագործվում է մազերը կարճացնելու, եզրակտրման և տարբեր կտրվածքների ժամանակ:

Գործողությունը կատարելիս վարսավիրի ափը շրջված է դեպի իր կողմը, և մազափունջը գտնվում է նրա մատների արանքում՝ ափի մեջ:

Մազափնջի ներսի հատվածի երկարությունը ստացվում է փոքր-ինչ կարճ, քան վերևինն է:



Մազերի կտրում՝ ձեռքի արտաքին մասի վրա:

Մազերի արտաքին կտրումը կիրառվում է տարբեր կտրվածքների ժամանակ:

Դրա արդյունքում մազափնջի վերևի մասը ստացվում է ավելի կարճ, քան ներքինն է:

«Պոյնտինգ» մազերի կարճացում և ֆիլիրովկա

(пойнтирование)



Պոյնտինգ (անգլ. նշանակում է point - կետ): Այն որպես հիմնական հնար լայնորեն կիրառվում է վարսավիրական գործում: Դրա միջոցով իրականացվում է միաժամանակև՝ մազերի կարճացում, և՛ ֆիլիրովկա, ընդ որում՝ կտրման եզրագիծը նման է ծովափերի: Նման կտրումը կիրառվում է սանրվածքների մոդե-լավորման ժամանակ՝ մազերին հաղորդելով փարթամություն: «Պոյնտինգ» կարելի է իրականացնել և՛ մատների, և՛ սանրի վրա:

«Պոյնտինգ» հնարի կատարումը

Մազերի հանում

(выщипывание)

Մազերի կտրման այս ձևը ենթադրում է մազարմատներից բարձր ֆիլիրովկա կատարելու հիմնական հնար: Մազերի կտրման արդյունքում



դրանց հաղորդվում է ծավալ:

Մոդելավորման ժամանակ «Մազերի հանման» հնարով կարելի է ստանալ տարբեր բարձրություններ ունեցող մազափնջեր:

Մազերի հանումն իրականացվում է սանրի և ուղիղ մկրատի օգնությամբ:

Մազերը սանրի միջոցով բարձրացվում են և մկրատի ծայրով կտրվում՝ ընտրված երկարությամբ և անհրաժեշտ քանակով: Կտրման ընթացքում մազերը կարելի է մատներով ուղղակի բռնել:


Մազարմատից բարձր ֆիլիրովկա՝
մազերը հանելու
հնարով:

Մազերի սահող կտրվածք

(слайсинг)

Մլայսինգ (անգլ. slice – շերտ): Մա սահող կտրվածք է, որը կատարվում է ուղիղ մկրատի կամ ածելիի միջոցով՝ մազարմատից որոշակի տարածու- թյուն պահելով: Մլայսինգն իրականացվում է ն՛ թաց, ն՛ չոր մազերի պա- րագայում՝ մկրատի կիրառմամբ: Մկրատը բռնում են մազերին զուգահեռ և սահող շարժումներով կտրում՝ սկսելով մազերի արմատներից և վերջաց- նելով ծայրերում: Կտրման այս մեթոդը կիրառում են, երբ մազերը կտրում են շերտերով: Ցուցամատի և միջնամատի օգնությամբ բռնում են մազա- փունջը ուղղահայաց դիրքով և կիսաբաց մկրատով սահեցնելով կտրում:

«Մլայսինգ»-ի ժամանակ աշխատում է նաև ձախ ձեռքը, որը մազափունջը



պահում է 45° անկյան տակ: Այն կարող է կատարվել մազափնջի ցանկացած բարձրու- թյան վրա:

Մլայսինգի կատարումը

Այս տեխնիկայով կտրվածքը ինչ-որ չափով նման է ածելիով արված կտրվածքին, սակայն այն տարբերությամբ, որ ածելիի կիրառման ժամանակ սանրվածքն ավելի էքստրավա- գանտ է /ծայրաստիճան արտաստվոր/ և ունի մեծ ծավալ: Ածելիի առավելությունը նաև այն է, որ դրանով կարելի է կտրել նույնիսկ կարճ մազերը, ինչը հնարավոր չէ «սահող» կտրման տեխնիկա կիրառելիս:

Ուրրած մազափնջերի կտրումը

Ուրրած մազերի կտրումը կատարվում է ուղիղ մկրատով, ուղիղ կտրվածքով կամ ֆիլիբովային մկրատով, սահող կտրվածքով՝ ստեղծելով մազերի տարբեր բարձրություն- ներ:

Ուրրած մազափնջի կտրվածքը՝ մազերի ծայրերի յուրօրինակ ֆիլիբովկա է: Մակայն պետք է հաշվի առնել, որ վերջնարդյունքը կախված է ն՛ ուրրած մազերի հաստությունից, ն՛ դրանց կտրման բարձրությունից, ն՛ օգտա- գործվող գործիքից:



Ուրրած մազափնջի կտրումը եզրակտրման ժամանակ ուղիղ կտրվածքի հնարով:



Ուրրած մազափնջի կտրումը «սահող» կտրվածքով:



ա)



բ)

Ուրրած մազափնջի կտրումն ուղիղ կտրվածքով՝
 ա. ուղղաձիգ
 բ. գուգահեռ մազերի նկատմամբ:

Մազերի կտրտում՝ ուղիղ մկրատով

«прорезивание»

Նման ձևով մազերի կտրումը բարելավում է մազերի արտաքին տեսքը: Մկրատը պետք է բռնել մազերին գուգահեռ: Կարելի է աշխատել ինչպես մկրատի ամբողջ կտրող հատվածով՝ /ստացվում է խորը ֆիլիրովկա/, այնպես էլ դրա մի մասով:



Մազերի կտրտում՝ ուղիղ մկրատով:

Հարցեր

Մազափնջերի մշակման (կտրման) քանի՞ ձև գոյություն ունի:

Ինչպե՞ս է կատարվում մազերի ներքին կտրումը:

Ինչպե՞ս է կատարվում մազերի արտաքին կտրումը:

Ի՞նչ է նշանակում «պոյնտինգ»:

Ի՞նչ է նշանակում «սլայսինգ»:

Թեմա 2.2 Մազերի կտրում՝ մկրատով


Մազերի ցանկացած կտրվածք վարսավիրը կարող է իրականացնել տարբեր գործույթների կամ հնարների միջոցով: Դրանցից են՝ «տուշովկա» (тушевка), «եզրագծով կտրում» (окантовка), «ֆիլիրովկա» (филировка), կտրվածք «մատների վրա», «մազերի զրոյական վիճակ» (на нет), «գրա- դուիրովկա» (градуировка) և այլն:

Մինչև այս հնարների ուսուսմասիրումը, անհրաժեշտ է հստակ պատկերացում ունենալ, թե ի՞նչ է «ստուգիչ մազափունջը» և ինչպե՞ս իրականացնել «մազափնջերի ձգում» գործույթը:

Ստուգիչ մազափունջ

(контрольная прядь)

Անկախ սանրվածքի ընտրությունից՝ առաջին հերթին անհրաժեշտ է որոշել կտրվածքի ցանկալի երկարությունը: Կտրելով առաջին մազափունջը՝ փացածները հավասարեցվում են դրան (կամ հակառակը՝ ոչ թե հավասարեցվում են, այլ երկարացվում կամ կարճացվում են ըստ դրա): Դա հենց ստուգիչ մազափունջն է, որի քանակը տարբեր սանրվածքների դեպքում կարող է լինել տարբեր: Սակայն կատարման տեխնոլոգիան բոլոր դեպքերում էլ նույնն է: Ստուգիչ մազափունջն առանձնացնելուց հետո հաջորդ մազափունջը վերցնում են՝ միաժամանակ ընդգրկելով կա՛մ ստուգիչ մազափունջն ամբողջությամբ, կա՛մ մասամբ և կտրում են անհրաժեշտ չափով:





Մազերի կտրում՝
ըստ ստուգիչ
մազափնջի ձգման
90°-ով:



Մազերի կտրում
մազափնջի ձգման
0°-ով:

Ծոծրակային հատվա-
ծի մազերի կտրում՝
ըստ ստուգիչ
մազափնջի:

Մազափնջերի ձգում

(оттяжка прядей волос)



Զրոյական ձգում

Այս հնարը
ենթադրում է
ձգված մազափն-
ջի որոշակի դիրք
գլխի նկատմամբ:
Նկարագրելով
այս հնարը՝
սովորաբար
ասում են.

«Մազափունջը կտրում են՝ ձգելով այսքան
աստիճան»: Մա նշանակում է, որ մազափունջը
գլխի մակերեսի նկատմամբ կազմում է այնքան
աստիճան, որքան նշվում է:



Մազափնջի ձգում 15° -ով:

Մազափնջի ձգում 15°-ով:

Յուրաքանչյուր հաջորդ մազափնջի
թեթևակի ձգումը

10-15°-ով ստեղծում է վերև բարձրացող
մազերի էֆեկտ: Ընդ որում

յուրաքանչյուր հաջորդ մազափունջը
կտրվում է նախորդի մակարդակին
հավասար:




90°-ի ձգման ժամանակ մազափունջը պետք է գլխի նկատմամբ լինի ուղղահայաց: Մազափնջերի ձգումը՝ մազերի մոդելավորման հիմնա- կան հնարն է: Ավելացնելով կամ պակասեցնելով մա- զափնջի ձգման աստիճանը՝ կարգավորում են դրանց երկարությունը, և սանրվածքն ուրվանկարվում է:

Մազափնջի ձգում 90°-ով:


Կտրվածք «մատների վրա»

- z Անհրաժեշտ գործիքներ՝ ուղիղ մկրատ, սանր:
 - z Կատարվում է ինչպես թաց, այնպես էլ չոր մազերի հենքի վրա:
 - z Կիրառվում է գործնականում բոլոր տեսակի սանրվածքների ժամանակ:
 - z Կատարման հերթականությունը, գագաթի հատված, քունքի և ծոծրակի հատվածներ:
- Մա ամենապարզ հնարներից է և կիրառվում է՝
- z Երբ հարկավոր է կարճացնել բավականին երկար մազերը հիմնական սանրվածքից առաջ:
 - z Ստուգիչ կտրվածքի ընթացքում, երբ պետք է կտրել առանձին մազեր, որոնք խաթարում են հիմնական սանրվածքի տեսքը:

Կտրվածքը կատարելու ժամանակ վարսավիրը պետք է կանգնի հաճախորդի թիկունքում և սանրի նրա մազերն իրենց բնական աճի ուղղությամբ: Մանրը տանի հաճախորդի մազերի մեջ՝ սկսած դեմքի մասից և շարժի դեպի իրեն: Կտրվածքի իմաստն այն է, որ գլխի ողջ մակերեսի մազերը կարճացվում են նույն երկարությամբ: Ընդ որում՝ մազափնջի երկարությունը որոշվում է մեկ անգամ, իսկ հաջորդները կողմորոշվում են ըստ դրա: Ամեն նոր մազափնջի հետ վերցնում են նաև նախորդ՝ արդեն կտրված մազափունջը ամբողջովին կամ մասամբ և կտրում նույն անհրաժեշտ երկարությամբ:



Մազերի հանում մատների վրա գա- գաթի հատվածում՝ ըստ ստուգիչ մազափնջի:



Մազերի հանում մատների վրա
ձեռքի ափի ներսի կողմից:

Ծոծրակի հատվածի մազերի
հանում մատների վրա:



Մազերի հանում մատների
վրա
/սանրի վերևի հատվածը ցույց է տա-
լիս մազափնջի կտրման սահմանը/:

Կտրվածքի կատարում

Մազերի հանումը սանրի վրա

- z Անհրաժեշտ գործիքներ՝ ուղիղ մկրատ, համակցված տեսակի սա- նր:
- z Կատարվում է ինչպես թաց, այնպես էլ չոր մազերի վրա:
- z Կիրառվում է կարճ կտրվածքների ժամանակ:
- z Կատարման հերթականությունը. գագաթի, քունքի, ծոծրակի հատ- վածներ:
- Մկրատի և սանրի օգնությամբ հնարավոր է իրականացնել ցանկացած սանրվածք, այդ թվում՝ նաև շատ կարճ: Օրինակ՝ մազերը սանրի վրա հա- նելու հնարի միջոցով: Մակայն պետք է հաշվի առնել, որ այս հնարը կի-

խիտ ատաճներով սանրը խրում են մա- զերի մեջ՝ պահելով այն 30-40° անկյան տակ:

Աշխատել մազափունջը սանրի վրա պահել՝ ուղղաձիգ գլխին համեմատ:

Մկրատը սանրին զուգահեռ պահել: Մանրը շարժել մազերի աճմանը հակա- ռակ և կտրել հենց սանրի վրա՝ որսալով այն հարմար պահը, երբ մազերը գտնվում են ուղղահայաց դիրքում:

րառվում է, երբ երկար մազերն արդեն կտրված են և դրանց երկարությունը չի գերազանցում 3 սմ-ը:



Հարցեր

Ի՞նչ է նշանակում «ստուգիչ մազափունջ» բառակապակցությունը:

Ի՞նչ է նշանակում «մազափնջերի ձգում» բառակապակցությունը:

Թեմա 2.3 Մազերի կտրում՝ սրիչով


Կտրվածք «Մազերի գրոյական վիճակ»

/աձելիի օգնությամբ /

Սովորաբար աձելիի օգնությամբ մազերը գրոյական վիճակի են բերում կարճ սանրվածքների ժամանակ: Կտրվածքն սկսում են ծոծրակի ներքևի հատվածից:

Այստեղ վերևի սահմանը՝ սանրվածքի առավել ծավալ ունեցող մասի եզրագիծն է, որը ձգվում է մոտավորապես մի ականջի վերևի կետից մինչև մյուս ականջի վերևի կետը՝ անցնելով ծոծրակի բարձր հատվածով:

Այդ հատվածի մազերն սկզբում սանրում են ուղղահիգ բաժուկի նկատմամբ 45° անկյան տակ դեպի մի կողմ, հետո կտրում՝ հերթագայելով սանրը և աձելին: Այնուհետև նույն գործողությունը կրկնում են՝ սանրելով մազերը 45°-ի տակ դեպի հակառակ կողմ:



Սանրի և աձելիի հերթագայումը տեղի է ունենում բավականին ռիթմիկ. սանրը տեղաշարժվում է ներքև, աձելին գտնվում է մազափնջի սկզբում, աձելին սահում է ներքև՝ սանրը վերադառնում է մազափնջի սկիզբ և վերսկսում իր գործողությունը: Աձելիի յուրաքանչյուր սահելու գործողությունից հետո /համապատասխանաբար մազերի կտրումից/ ելման դրությունը 1,5-2 սմ-ով տեղաշարժվում է փոքր-ինչ ներքև նախորդ ելման դրության նկատմամբ:

Կտրվածքի կատարման ժամանակ աձելին ողջ լայնքով սեղմվում է մազերը վրա: Բայց քա-

Ածելիով գրոյական
վիճակի
հասցնելու կտրվածք:

նի որ մեր նպատակն է աստիճանաբար պակասեցնել մազերի երկարությունը ծոծրակի եզրագծային հատվածում և այն հասցնել «գրոյական վիճակի», ուստի ածելիի սեղմումը՝ դեպի ներքև

իջնեցնելով, պետք է ուժեղացնել: Իսկ դա նշանակում է, որ այդ գործողությունը կատարելիս վարսավիրի ձեռքերը պետք է աշխատեն վստահ:

«Տուշովկա»

z Անհրաժեշտ գործիքներ՝ մկրատ կամ ածելի /ածելին աշխատում է թաց մազերի վրա/ սանր:

z Կատարվում է մկրատով ինչպես թաց, այնպես էլ չոր մազերի վրա, իսկ ածելիով՝ միայն թաց մազերի:

z Պահանջվում է որոշակի հմտություն:

«Տուշովկան» կտրվածքի կատարման վերջնական փուլ է, որը «գրոյական վիճակ» սանրվածքը հասցնում է հարթ մակերեսով հղկված իդեալական տեսքի: Դրա նպատակն է ապահովել սահուն անցում երկար մազերից դեպի կարճը՝ գլխի մազածածկույթին հաղորդելով «լաքապատված» տեսք:

«Տուշովկայի» կատարման տեխնոլոգիան:

Այստեղ կտրման մեթոդը նույնն է, ինչ որ «գրոյականի» դեպքում. կատարվում է քունքակողմնային և ծոծրակային հատվածներում: Կիրառվում են և՛ ուղիղ, և՛ ֆիլիրովային մկրատներով:

«Տուշովկա» իրականացնելու համար հարմար է վերցնել շատ բարակ ատամներով սանր և աշխատել միայն մկրատի ծայրերով: Մկրատը պետք պահել սանրի նկատմամբ փոքր-ինչ թեքությամբ:

Սանրը տանում են մազերի մեջ՝ դրանց աճման եզրային հատվածի կողմից, գլխամաշկին բավականին կիպ: Սանրը և մկրատը միաժամանակ շարժվում են վերև. մկրատը պետք է պահել սանրի նկատմամբ փոքր-ինչ թեքությամբ: Սանրի թեքման անկյունից է կախված սահուն անցումների ապահովումը: Աշխատում է մկրատի 1/3 մասը:

Պարանոցի հատվածի «տուշովկան» կարելի է կատարել է կտրտման /«подсечки»/ մեթոդով, որի էությունը հետևյալն է. սանրը պետք է ներքևից խրել պարանոցի մազերի մեջ և գլխի նկատմամբ բարձրացնել ուղղահայաց դիրքով: Սուր ածելիով, որի կտրող մասը պետք է գտնվի սանրի նկատմամբ 15-20° անկյան տակ, կտրվում են ցցված մազերը: Ածելին պետք է շարժվի սանրի ատամների նկատմամբ ուղղահայաց:



«Տուշովկա» կատարելու գծապատկերը:

Ֆիլիրովկա

- z Անհրաժեշտ գործիքներ՝ ֆիլիրովային մկրատ, ուղիղ մկրատ, ածե- լի, սանր:
- z Կատարվում է մկրատով, ինչպես չոր, այնպես էլ թաց մազերի վրա, իսկ ածելիով՝ միայն թաց մազերի վրա:
- z Դժվարություն չի ներկայացնում սկանակ վարսավիրների համար:

Վարսավիրական պահոցում բավականին շատ հնարներ կան մազերի արտաքին տեսքը բարելավելու, դրանց ծավալ և փարթամություն հաղորդելու համար: Այդպիսի հնարներից է մազերի ֆիլիրովկան, որի արդյունքում ստեղծվում է մազերի երկարության բնական համապատասխանություն: Այլ կերպ ասած, ֆիլիրովկան մազերի կտրում է՝ դրանց երկարության պահպանմամբ: Ֆիլիրովկայի ժամանակ մազերը կտրտվում են տարբեր երկարության վրա:

Ֆիլիրովկա կատարում են ֆիլիրովային և ուղիղ մկրատներով, վտանգավոր կամ ֆիլիրովային ածելիով:

Մազերի ֆիլիրովկա կատարում են, որպեսզի՝

- z սանրվածքին որոշակի ծավալ հաղորդեն /մազափունջը ենթարկում են ֆիլիրովկայի կամ մեջտեղում, կամ արմատից թողնելով 2-3 սմ/.
- z ծավալը քչացնեն /մազափունջը ենթարկում են ֆիլիրովկայի մազարմատի մոտ, մեջտեղում և ծայրերում/.
- z հարդարումը հեշտացնեն /մազափունջը ենթարկում են ֆիլիրովկայի մազերի ծայրերում/:

Ֆիլիրովկան կատարվում է մազերի արմատների մոտ, մազերի ծայրերին և մազափնջերի տարբեր բարձրության վրա:



Արմատների մոտ կատարվող ֆիլիրովկայի ընթացքում մազափնջի սանրումը:

Սանրվածքին ծավալ հաղորդելու նպատակով կատարում են ֆիլիրովկա մազերի արմատների մոտ: Այն կատարվում է «մազերը դուրս հանելու» /«выщипывание»/ մեթոդով՝ զագաթի և ծոծրակի վերևի հատվածներում: Մազերին ծավալ հաղորդելու համար մազափունջը սանրում են նոսր ատամներ ունեցող սանրով՝ այն վերև բարձրացնելով և 0,5 -1 սմ հատվածից հետո, մկրատի ծայրով դուրս հանելով, կտրտում են առանձին բարակ մազափնջեր /1-2 միջատամնային հատվածի հեռավորությամբ/: Մազափնջի երկարությունը 2-4 սմ է՝ կախված ընտրած կտրվածքի երկարությունից:

Պոյտինգ





ՍԼԱՅՄԻՆԳ



ՆՈՐԱԶԵՎ ԿՏՐՎԱԾՔ





ՏՂԱՄԱՐԴԱՆՅ ՄԱԶԵՐԻ ԿՏՈՒՄ





Մազերի ֆիլիրովկա՝ ֆիլիրովային ածելիով



Մազերի ֆիլիրովկա՝
ֆիլիրովային ածելիով:

Գոյություն ունի հատուկ ֆիլիրովային գործիք, որով բավական հեշտ է աշխատելը: Ֆիլիրովային ածելին տանում են վեր բարձրացրած մազափնջի մակերեսով՝ մազարմատներից կամ մազերի մեջտեղի հատվածից սկսած /դա կախված է մազերի խտությունից/ դեպի մազերի ծայրերը: Ֆիլիրովային ածելին պետք է մազերին պահել համարյա զուգահեռ: Գործողությունը կրկնում են 4-5 անգամ:

Մազերի ֆիլիրովկա՝ ֆիլիրովային վտանգավոր ածելիով

Այս հնարը բավականին բարձրացնում է մազերի կտրվածքի որակը: Վտանգավոր ածելիով ֆիլիրովկան, նույնիսկ նոսր մազերի դեպքում, հատկապես գազաթի և ծոծրակի հատվածներում, սանրվածքին ծավալ է հաղորդում: Վտանգավոր ածելիով ֆիլիրովկան



Մազերի ֆիլիրովկա՝
վտանգավոր ածելիով:

կատարվում է միայն թաց մազերի վրա: Մի ձեռքով սեղմում են մազափունջը՝ ձգելով այն ընտրված անկյան տակ: Եթե խիտ են մազերը, ֆիլիրովկան սկսում են արմատներից ավելի մոտ հատվածից:

Ֆիլիրովկայի սկզբում ածելին սրաեզրային ողջ մակերեսով սեղմում են մազերին:

Հասցնելով ածելին մինչև մազերի նշված կտրվածքը՝ պետք է ավելացնել ածելիի թեքության անկյունը: Գործողությունները պետք է կրկնել 2-3 անգամ, իսկ եթե անհրաժեշտ է առավել ծավալ հաղորդել, ապա պետք է այն 3-5 անգամ կատարել:

Հարցեր

Ի՞նչ է նշանակում «մազերը գրոյական վիճակում»:

Նկարագրեք «տուշովկայի» կատարման տեխնոլոգիան:

Ինչպիսի՞ գործիքներով են կատարում ֆիլիրովկա:

Ի՞նչ է նշանակում «գրադուիրովկան»:

Թեմա 2.4 Կտրման գործողությունների հաջորդականության պահպանում

Հստակ կտրվածքների մեթոդներ

Մազերի կտրվածք «մազափունջը մազափնջի հետևից» մեթոդով

«Մազափունջը մազափնջի հետևից» կտրվածքի ժամանակ մազափնջերը սանրում են զուգահեռ բաժուկներով: Յուրաքանչյուր նախորդ մազափունջը ստուգիչ է հաջորդ մազափնջի համար: Այն հստակ հավասարեցվում է նախորդ մազափնջի հետ և կտրվում է նույն մակարդակ վրա: Մազափնջի ձգման անկյունը կարող է փոփոխվել՝ միաժամանակ ենթարկելով փոփոխման նաև մազափնջի երկարությունը:

«Մազափունջը մազափնջի հետևից» մեթոդի առավելությունը կայանում է նրանում, որ նման սանրվածքի հարդարումը բարդ չէ:



Ծոծրակային վերևի հատվածի կտրում մազափունջը մազափնջի հետևից մեթոդով:



Քունքային հատվածի կտրում մազափունջը մազափնջի հետևից մեթոդով:

Մազերի կտրվածք մազափունջը մազափնջի վրա մեթոդով

Այս մեթոդի էությունը հետևյալն է՝

- z ընտրվում է մեկ ստուգիչ մազափունջ.
- z բոլոր մյուս մազափնջերը՝ կախված ընտրված սանրվածքի տեսակից, կարող են լինել նաև տարբեր ուղղություններով.
- z սանրվում են բաժուկներով, դրվում են ստուգիչ մազափնջի վրա և կտրվում՝ ճիշտ դրա երկարությանը համապատասխան.
- z ձգման անկյունը նույնպես կարող է լինել տարբեր:

Ստուգիչ մազափունջը կարող է որոշվել սանրվածքի ներքևի ուրվագծին համապատասխան, օրինակ՝ «կառե» սանրվածքի ժամանակ: Այն կարող է նաև յուրովի ձևավորվել՝ կախված կտրվածքի տարբեր փուլից և գլխի տարբեր հատվածներից:


Այս մեթոդի ընթացքում մազերի երկարությունը կախված է ամեն հաջորդ մազափնջի ձգման անկյունից՝ ստուգիչ մազափնջի համեմատ: Եթե մազափնջերի սանրման ժամանակ ձգման անկյունը մեծացնեն, ապա վերևի մազափնջերը կստացվեն ավելի կարճ, քան ներքևիները:



Ամեն նախորդ մազափնջի ձգման անկյունը փոքրացնելով՝ հնարավորություն է տրվում ավելացնելու մազափնջի երկարությունը:



«Կառե» սանրվածքի կտրումը «մազափունջը մազափնջի վրա» մեթոդով:



Մազափնջի ձգման անկյան մեծացումը նպաստում է մազափնջի կարճացմանը:



«Կառե» սանրվածքը՝ «մազափունջը մազափնջի վրա մեթոդով»:

Եթե մազերի կտրումն իրականացվում է նույն մակարդակով՝ առանց ձգման անկյունի կիրառման, ապա հարկավոր է հաշվի առնել, որ մազերը չորանալու ընթացքում փոքր-ինչ բարձրանում են վերև և դրանք կարող են ավելի կարճ ստացվել, քան ներքևիները:

Հարցեր

1.Նկարագրե՛ք «մազափունջը մազափնջի հետևից» մեթոդը:

2.Նկարագրե՛ք «մազափունջը մազափնջի վրա» մեթոդը:

Թեմա 2.5 Աշխատանքի ավարտական գործողություններ

Մազերի կտրվածքային մեկ գծի ստեղծումը

Որպեսզի կտրվածքի ներքևի գիծը մազերի համար լինի ընդհանուր, հարկավոր է մազափնջերը կտրել ձգման զրոյական անկյունով:

Օրինակ, ինչպես բռնել և կտրել ծոծրա- կի մազափնջերը, որպեսզի մազերի համար ստացվի մեկ ընդհանուր գիծ. հարկավոր է առաջին մազափունջը հորիզոնական բա- ժուկով սանրել այնպես, որ մազերը հստակ պատկեն պարանոցի վրա՝ չառանձնանալով իրարից ոչ մի աստիճանով:

Այնուհետև հաջորդ մազափունջը հստակ սանրել դեպի ներքև՝ չստեղծելով ոչ մի ան- կյուն մազափնջի և գլխի միջև:

Երկրորդ մազափունջը կտրել 1 մմ-ով ներքև, քան առաջինը:

Եվ այսպես կտրել յուրաքանչյուր հաջորդ մազափունջ՝ մինչև գլխի գագաթը:

Թե՛ մազափունջը մազափնջի հետևից,

թե՛ մազափունջը մազափնջի վրա կտրվածքները կատարվում են թաց մազերի վրա:

Շատ կարևոր է, որ բոլոր մազերը թրջված լինեն հավասարաչափ:

Այս երկու մեթոդները կարող են կատարվել և՛ ուղիղ, և՛ ֆիլիքովային

մկրատներով:

Գրադուիրովկա

«градуирование»

Մազերի մոդելավորման հիմնական խնդիրը մազափնջերի երկարությունների փոփոխությունն է գլխի տարբեր հատվածներում, ինչն էլ հնարավորություն է տալիս ստանալու տարբեր սանրվածքներ: Սա իրականացվում է «գրադուիրովկա» հնարի միջոցով: Այս բառը ծագել է աստիճան /«градус»/բառից և նշանակում է, որ մազափնջերը կտրվում են



Մազափունջը մազափնջի վրա՝ մեկ ընդհանուր կտրման գիծ ստանալու մեթոդի կիրառմամբ:

գլխի նկատմամբ՝ որոշակի անկյան տակ:

Գրադուիրովկայի արդյունքը՝ այս կամ այն մազերի կտրման գիծն է սանրվածքում:



Շոճրակային հատվածի
«գրադուիրովկա»:

Այսպիսով, մազերի գրադուիրովկան՝ մազափնջերի ձգման անկյունների փոփոխությունն է, սահուն կամ հակադիր ուրվանկարներ ստանալու նպատակով:

Օրինակ, եթե «կառե» սանրվածքը կատարվում է զրոյական անկյան տակ, ապա բոլոր մազերը ունենում են մի ընդհանուր կտրման գիծ, իսկ «կառե» սանրվածքի կատարումը «գրադուիրովկա» մեթոդով՝ մազափնջերը ձգվում են որոշակի անկյան տակ, և արդյունքում ստացվում է բոլորովին այլ սանրվածք:

«Գրադուիրովկան» նաև առանձին մազերի կտրվածքի մեթոդ է, որի ընթացքում մազերը սանրվում են ուղղահայաց բաժուկներով, իսկ կտրման

գիծը անցնում է գլխի նկատմամբ սուր կամ բութ անկյան տակ:

Մազերի երկարացման սահուն անցումը



Մազափնջի ձգման անկյունի գծապատկերը՝ մազերի կտրման սահուն գիծ ստանալու ժամանակ:

Մազափնջերի երկարության կտրման գիծը ստացվում է առավել սահուն, երբ ամեն հաջորդ մազափնջի ձգման անկյունը, սկսած 0°-90°, նախորդ մազափնջի համեմատ աստիճանաբար ավելանում է: Որպեսզի գրադուիրովկայի կտրման գիծը ստացվի առավել սահուն, մազափնջերը պետք է վերցնել բավականին բարակ: Դրանք լավ ձգել և խնամքով հստակ հավասարեցնել արդեն կտրված մազերին:

Եզրագծով կտրում

«ОКАНТОВКА»

Մազերի կտրումը եզրագծով՝ սանրվածքի ներքևի ուրվագծի կամ էլ հենց եզրագծի ստեղծման գործընթացն է:

Մազերի աճման եզրագիծը անցնում է ամբողջ գլխի շրջագծով: Այնուամենայնիվ, «կտրել եզրագծով» պետք է հասկանալ ծոծրակի, քունքի հատվածների, ճակատի մազափնջի եզրերի կտրում մեկ ընդհանուր գծով:

Եզրագծով կտրման արդյունքում ստեղծվում է մազերի բնական աճը սահմանափակող հստակ գիծ: Այն ապագա կտրվածքի ուրվագիծն է: Այն կարող է լինել ուղիղ, ձվաձև, եռանկյունաձև, անհամաչափ, անհավասար կտրտված մազափնջերով: Մազերի եզրագիծ ստանալու համար անհրաժեշտ են՝ ուղիղ մկրատ,

ածելի, սանր և մազխուզիչ /այն կարող է օգտագործվել կարճ սանրվածքի համար/: Մազերը կտրման սկզբում պետք է լինեն թաց, իսկ վերջում՝ չոր վիճակում:

Եզրագծերը կարող են լինել ուղիղ, ձվաձև, եռանկյունաձև, անհամաչափ, անհավասար կտրտված մազափնջերով: Այն կարող է սկսվել հենց մազի աճի եզրագծից, ուր մազի երկարությունը կլինի 0 մմ և աստիճանաբար կերկարի (на чер): Եզրագծի կտրման այս տեսակները լայն տարածում ունեն թե՛ կանացի, թե՛ տղամարդկանց կտրվածքներում՝ բացառությամբ

«չակերտաձևի», որը հատուկ է միայն տղամարդկանց կտրվածքներին:

Կտրվածքը եզրագծվում է մինչև ականջների հատվածը: Ականջները կարող են լինել բաց, կիսաբաց և փակ: Որպեսզի երկու կողմերը լինեն համաչափ՝ որպես չափս ծառայում են ականջները:

Ուղիղ եզրագծով կտրման դեպքում մազերը կարող են ունենալ տարբեր երկարություն: Այս եզրագիծը ստանալու համար հետևամասի մազերը ուղիղ սանրում են ներքև և կտրում ուղիղ գծով: Կտրել սկսում են մեջտեղի հատվածից:

Չակերտանման եզրագիծը կտրվում է համեմատաբար ավելի կարճ՝ մինչև շապիկի օձիքը: Այն ունի ուղիղ և ընդգծված անկյուններ: Այս եզրագիծն ընտրում են՝ հաշվի առնելով հաճախորդի վզի կառուցվածքը: Մա տղամարդու դասական կտրվածքի եզրագիծ է: Ինչպես հետևամասի, այն՝ պես էլ ականջային հատվածի եզրերը կարող են ունենալ տարբեր կառուցվածքներ:

Տղամարդու դասական կտրվածքի ժամանակ ականջային հատվածում մազերը սանրում են ներքև և կտրում ուղիղ կամ շեղ գծով: Այնուհետև փասցած մազերը սանրում են ականջի վրա և կտրում ականջի եզրագծով

/ականջի եզրագծից հեռու չի կարելի կտրել/: Մնացած մազերը սանրում են առաջ և ձևավորում եզրագիծը քունքի հատվածում՝ ձուլվելով այն ճակատային մազափնջին: Նույն տեխնիկայով կարելի է կտրել նաև ավելի երկար կամ ձևավոր եզրագծեր: Եթե ցանկանում ենք ունենալ անհավասար մազերով եզրագիծ, ապա ականջի հատվածում հարկավոր է սանրը պահել հորիզոնական դիրքով՝ աստիճանները դեպի վեր՝ մազերը բարձրացնելով մինչև ականջի վերին հատվածը և կտրել, հետո ձախ ձեռքի ցուցամատով և միջնամատով վերցնել մազերը՝ պահելով ուղղահայաց դիրքում 45° անկյան տակ և մշակել ֆիլիյաժով:

Մազերի եզրագծի կտրման ժամանակ պետք է հաշվի առնել հետևյալը՝
z Նախ հաճախորդին հարցնել, թե նա սանրվածքի ինչպիսի՞ եզրագիծ է նախընտրում՝ ուղիղ, կոր, ուռուցիկ, թե՞ կտրտված:

z Այնուհետև ուշադիր ուսումնասիրել հաճախորդի դեմքի, պարանոցի առանձնահատկությունները, քանի որ կտրվածքի եզրագիծը ն՛կարող է թաքցնել որոշ թերություններ, ն՛հակառակը՝ ընդգծել հաճախորդի արտաքին առավելությունները:

z Պետք է ուշադրություն դարձնել հաճախորդի մաշկի վիճակին՝ /գունանյութի խանգարում /«пигментация»/, սպիի, խալի առկայություն, որոնք նույնպես պետք է թաքցնել մազերի տակ:

z Որոշ սանրվածքների ժամանակ մազերի եզրագծով կտրումը կատարվում է սանրվածքի կտրման սկզբում, օրինակ՝ «կառեի» ժամանակ, քանի որ եզրագծով կտրումն այս դեպքում ընտրած սանրվածքի ձևագոյացնող տարրն է, հիմքը:

z Սովորաբար մյուս սանրվածքների ժամանակ եզրագծով կտրումը կատարում են վերջում:



«Կառե» սանրվածքում եզրագծի կտրումը կատարվում է սկզբում:



Դասական «կառեի» եզրագծի կտրում.
աշխատանքի առաջին փուլ:

Եզրագծով կտրման տեխնոլոգիան

Եզրագծով կտրման գործընթացը պետք է կատարել մանրակրկիտ և խնամքով:

Եզրագծով կտրման վերջում պետք է սանրել մազերն աճման ուղղությամբ: Կարելի է նույնիսկ առաջարկել հաճախորդին թեթևակի գլուխը թափահարել:

Եթե մազերը խիտ են և սանրվածքը կարճ է, ապա եզրագծով կտրումը կատարում են ածելիով կամ մեքենայով:



Մազերի դասական եզրագծով կտրում կարճ սանրվածքի դեպ-քում: Եզրագծով կտրումը կատարվում է վերջում:



Հաճախ հանդիպող եզրագծով կտրումներ կարճ սանրվածքի ժամանակ:



Այս եզրագծով կտրումը կատարված է աշխատանքի վերջում և հետո խորը ֆիլիքովկա է կատարված:



Եռանկյունաձև եզրագծով կտրումը կարող է թաքցնել մազափնջի շրջանաձև աճը կամ խալը:

Եզրագծով կտրումը կատարվում է կտրվածքի սկզբում:



«Կառե» սանրվածք, դեմքի մասի մազափնջերի երկար տարբերակ:



Այս եզրագծով կտրման ժամանակ
օգտագործվել է բնական խոպոպիկը:

Քունքային հատվածի եզրակտրում

Քունքային հատվածի եզրագծով կտրումը նույնպես պահանջում է խնամքով
և հստակ աշխատանք:



Դասական քունքային եզրա-
կտրում կարճ սանրվածքի
դեպքում: Եզրակտրման գիծը
անցնում է ականջի հետևով:



Քունքային
եզրակտրում խոր
ֆիլիքովկայով, որը
ծածկում է ականջը:



Դեկորատիվ եզրագծով կտ-
րումը տվյալ սանրվածքի
համար կառուցողական
տարր է:



Եզրագիծը շարունակում է
«կառեի» գիծը:

Քունքային հատվածի եզրագծով կտրելու տեխնոլոգիան

Գլխամազի տարբեր հատվածների նախնական բաժանման ընթացքում քունքային մազերն առանձնացվում են առանձին բաժուկներով:



Դեկորատիվ եզրագծով կտրումը տվյալ սանրվածքի համար կառուցողական տարր է:



Այս սանրվածքում քունքային հատվածը չի առանձնացվում հատուկ բաժուկով: Այն սանրվածքի ընդհանուր ուրվագծի շարունակությունն է:



Քունքային հատվածի կարճ եզրագծով կտրում:



Մազերի կտրված եզրագիծը զուգահեռ է մազերի աճմանը:

Մազերի եզրակտրում՝ կախված մազերի երկարությունից

Կարճ մազերի եզրակտրում

Կարճ մազերի եզրակտրումը կատարում են ուղիղ մկրատով, մեքե- նայով կամ ամելիով:

Կարճ մազերի եզրակտրման ժամանակ անհրաժեշտ է հաճախակի սանրել հաճախորդի մազերը, որպեսզի ոչ մի մազ բաց չթողնվի, ինչն էլ հետագայում կարող է խանգարել նախատեսած սանրվածքի ճիշտ կա- տարմանը: Պետք է աշխատել մկրատի ծայրերով՝ կտրելով միայն այն մա- զիկները, որոնք դուրս են գալիս մազածածկույթի մակերեսից: Շատ կարճ սանրվածքի դեպքում անհրաժեշտ է լինում հեռացնել պարանոցի, երբեմն էլ քունքային հատվածի

մանր մազերը, որոնք աճում են ընդհանուր մազա- ծածկույթի մակերեսից դուրս: Այս դեպքում արդեն օգտագործվում է ածե- լի: Մաշկը ձգում են մի ձեռքով, իսկ մյուսով հեռացնում են ավելորդ մա- գերը՝ սկզբում ձախ քունքային հատվածից, հետո աջ, ինչպես նաև նույն կողմի ականջախեցու հետևի և պարանոցի մազիկները:

Քունքային հատվածի եզրագծի կտրումը մեքենայով պահանջում է որո- շակի հմտություն:

- Եզրակտրումը պետք է կատարել հետևյալ հաջորդականությամբ՝
- z քունքային հատված.
- z ականջի հետևի ուրվագիծ.
- z պարանոց:

Միջին չափի մազերի եզրակտրում: Նախ պետք է մազերը խնամքով սանրել, ձեռքով կամ սանրով սեղմել գլխին և կտրել համապատասխան չափի: Որպեսզի եզրակտրման ընթացքում սանրվածքը ստացվի համա-

չափ, հարկավոր է ստուգել մազափնջերի երկարությունը՝ դրանք մոտեցնե- լով իրար կամ կողմաորոշվելով դեմքի որևէ մասի հետ՝ ականջների, քթի:


Երկար մազերի եզրակտրում: Երկար մազերի եզրակտրումը կատա- րում են ձեռքի վրա՝ ամեն անգամ բռնելով նախորդ անգամ կտրված մա- զափնջից մի հատված:



Եզրագծով կտրում կա- տարվում է ծոծրակի մեջ- տեղից դեպի դեմք:



Մազափնջի համաչափու- թյան որոշում:



Կտրվող մազափնջի չա- փը համաձայնեցնել հա- ճախորդի հետ:

Ճակատի մազափնջերը

/«челка»/

Ճակատի մազափունջը սանրվածքի կարևոր տարր լինելուց բացի՝ նաև սանրվածքի հաջողության բաղադրիչն է: Այն մարդու արտաքինի կարևոր մասն է. դրա առկայությունը կամ բացակայությունը կարող է կտրուկ փո- խել մարդու տեսքը: Մազերի ինչպիսի կտրվածք էլ կատարվի, առաջնա- հերթ խնդիր է ճակատի մազափնջի ձևի որոշումը: Նույնիսկ երկար մազե- րի դեպքում ժամանակ առ ժամանակ ճակատի մազափունջը փոփոխելու խնդիր է առաջանում:

Ճակատի մազափնջերը լինում են կարճ, երկար, կոր, թեք, խիտ, նոսր, երկտակ և այլն:


Դրանք կարելի է բաժանել երկու խմբի

z պարզապես ճակատի մազափունջ.

z որպես սանրվածքի կառուցողական տարր:

Ճակատի մազափնջերի լայնությունը և հաստությունը որոշելը

Ճակատի մազափնջի լայնությունը պայմանավորված է ճակատի լայնությամբ: Այն չպետք է անցնի քունքային փոսիկների տարածքից: Ճակատի մազափնջի համար նախատեսված մազերն առանձնացվում են II-նման, եռանկյունաձև կամ մազերի աճմանը զուգահեռ բաժուկներով: Ճակատի մազափնջի հաստությունը կախված է մազերի խտությունից, ինչպես նաև հաճախորդի ցանկությունից:



Եռանկյունաձև բաժուկի առանձնացումը ճակատի մազափնջի համար:



Ոչ շատ երկար կտրտված ճակատի մազափունջ:



Ճակատի մազափնջի
II-նման բաժուկի
առանձ-
նացում:



Ճակատի խիտ մազափունջ, որն ընդգծում է
մազերի գերազանց որակը:
Ճակատի դասական մազափունջ երկար կամ
միջին երկարության մազերի դեպքում:

Ճակատային մազափնջերի դասական տարբերակներ

Դրանք կարող են լինել ցանկացած տեսակի և երկարության: Ճակատային մազափնջի կտրման համար անհրաժեշտ են հետևյալ գործիքներ՝ ուղիղ մկրատ, ֆիլիբովային մկրատ, սանր: Կարելի է մազերը կտրել նաև ածելիի միջոցով: Ճակատային մազափնջի կտրվածքը կատարվում է թաց մազերի վրա և պահանջում է կոկիկ, մանրակրկիտ աշխատանք:

Միևնույն երկարություն ունեցող ճակատային մազափնջերի կտրումը

Այսպիսի ճակատային մազափունջն ունենում է առավել սահուն, ձուլ- ված ուրվագիծ: Այն հատկապես հարմար է ոչ խիտ մազերի կամ ալիքաձև մազերի համար: Մազերը պետք է թացացնել, բաժուկով առանձնացնել ճակատային մազափնջի հատվածը և ամրակով ֆիքսել: Մանրել առաջին մազափունջը և կտրել որոշված երկարությամբ: Այս մազափունջը ծառայում է որպես ստուգիչ մազափունջ: Այնուհետև հորիզոնական բաժուկով պետք է առանձնացնել 1 սմ-ով երկար հաջորդ մազափունջը: Երկու մազափնջերը սանրի օգնությամբ բարձրացնել գլխի նկատմամբ ուղղաձիգ և կտրել ստուգիչ մազափնջի մակարդակով: Այդպես կտրվում են նաև բոլոր հաջորդ մազափնջերը՝ համապատասխանեցնելով նախորդ մազափնջի երկարության հետ: Կտրումը կարելի է կատարել ուղիղ և պոյնտինգ կտրման ձևերի միջոցով: Կտրման գործողությունը ավարտելուց հետո խնամքով սանրել մազերն աճման ուղղությամբ և ստուգել կտրման ուրվագիծը՝ կատարելով եզրագծով կտրում: Ճակատային մազափնջի կտրումը ավարտել ֆիլիբովկայով, որի խորությունը կարող է լինել ցանկացած չափի:



Ճակատային մազափնջի երկարու- թյան որոշումն ըստ ստուգիչ մազա- փնջի:



Ճակատային մազափնջի կտրումը ստուգիչ մազափնջին համապա- տասխան:

Ճակատային փարթամ մազափնջեր՝ կտրման ընդհանուր գծով

Այսպիսի ճակատային մազափունջ հաճախ հանդիպում է «կառե» սա- նրվածքում: Դրա երկարությունը կարող է լինել ցանկացած չափի: Այս տե- սակի ճակատային մազափունջը կտրվում է հետևյալ ձևով. ուղղանկյու- նաձև, II-աձև կամ եռանկյունաձև բաժուկներով առանձնացնել մազերը, ամրացնել դրանք ամրակով: Բաժուկը բացել ճակատային մազափնջի ամբողջ լայնությամբ: Բաժուկը բացվում է մազերի աճմանը զուգահեռ՝ 1 սմ հեռավորության վրա: Սանրել եզրի մազափունջը մազերի աճման ուղղու- թյամբ և կտրել որոշված երկարությամբ: Հետո կատարվում է կտրվածքը «մազափունջը մազափնջի հետևից» մեթոդով: 1 սմ տարածություն անցնե- լուց հետո հաջորդ մազափունջը սանրելով առանձնացնել: Այդ մազա- փունջը դնել ստուգիչ մազափնջի վրա և կտրել նույն երկարությամբ: Բոլոր մազափնջերը կտրել զրոյական ձգումով, այսինքն՝ չբարձրացնելով գլխի նկատմամբ որևէ անկյան տակ:



Ճակատային մազափնջի երկարությունը որոշվում է առաջին մազափնջի եր- կարությամբ:



Ճակատային մազափնջի համար մազերն առանձ- նացվում են եռանկյունաձև բաժուկով:

Ճակատային մազափնջի մազերն առանձնացվում են II-աձև բաժուկով:




Ճակատային մազափնջի կտրումը՝ մազափունջը մազափնջի վրա:

Մեկ ընդհանուր եզրագծով ճակատ- տային մազափունջ, որն ընդգծում է «կառե» սանրվածքի ձևը:

Երկմակարդակ ճակատային մազափունջ

Երկմակարդակ ճակատային մազափունջ կտրելու համար պետք է առանձնացնել բաժուկները ճակատային հատվածների, ինչպես նկարա- գրվել է «Փարթամ ճակատային մազափունջ մեկ կտրման եզրով» բաժնում: Մազերը ֆիքսել ամրակով: Սանրով հորիզոնական բաժուկով առանձնաց- նել առաջին մազափունջը 1 սմ հաստությամբ և կտրել մազերը հորիզո- նական գծով, ճակատի մեջտեղից փոքր-ինչ բարձր: Այնուհետև սանրով առանձնացնել երկրորդ մազափունջը՝ 1 սմ հեռավորության վրա, հորիզո- նական բաժուկով և կտրել առաջին մազափնջի կտրման եզրագծի մակար- դակին համապատասխան: Երրորդ առանձնացրած մազափունջը սանրել դեպի դեմքը և կտրել հորիզոնական գծով, որն անցնում է 1 սմ ներքև՝ հոնքերի մեջտեղով: Նույն կերպ կտրվում են հաջորդ մազափնջերը: Ավարտե-



Երկմակարդակ ճակատային մազափնջի կտր- ման առաջին փուլը:

Երկմակարդակ ճակատ- տային մազափունջ:

լով կտրվածքը՝ պետք է սանրել և կատարել բավականին խորը ֆիլիբրովկա՝ ուղիղ մկրատով: Մկրատը պետք է բռնել մազերի նկատմամբ զուգահեռ: 35

Ճակատային մազափնջի ֆիլիրովկա և եզրակտրում



Ուղիղ եզրագիծ ունեցող ճակատային մազափնջի եզրագծով կտրում:



Ֆիլիրովկա՝ ուղիղ մկրատով

Ճակատային մազափունջը կտրելիս հարկավոր է այն առանձնացնել ամբողջ մազերի զանգվածից: Կտրել սկսում են մեջտեղի հատվածից: Ճակատային մազափնջի եզրերը կարող են ունենալ այն երկարությունը, ինչն ունի մեջտեղի հատվածը /կարող է լինել դրանից կարճ կամ երկար/: Թեք ճակատային մազափունջ կտրելիս վարսահարդարը կանգնում է հաճախորդի այն կողմում, որ կողմում պետք է լինի կարճ հատվածը: Ամբողջ մազափունջը հավաքում է ձախ ձեռքում, այն բռնում են ցուցամատի և բթի օգնությամբ՝ սանրված կարճ հատվածի ուղղությամբ. Այսինքն՝ մազափունջը հավաքվում է ցանկալի ամենակարճ կետում: Կտրվում է բթի կառուցվածքով՝ լուսնաձև: Եթե ճակատային մազափնջի մազերը կտրված են ըստ նախատեսված երկարության, ապա պետք է կատարել ֆիլիրովկա: Այն կատարվում է ֆիլիրովային մկրատով կամ ուղիղ մկրատի ծայրով՝ խորանալով 1-1,5 սմ: Մկրատը պետք է բռնել մազերի նկատմամբ զուգահեռ: Ֆիլիրովկայից հետո անհրաժեշտ է կատարել ստուգիչ եզրակտրում: Որքան խնամքով կատարվի այդ գործողությունը, այնքան գեղեցիկ կստացվի ճակատային մազափունջը:

Հարցեր

Որո՞նք են ավարտական աշխատանքները:

Ինչ նշանակություն ունի մազափունջը:

Ի՞նչ է նշանակում «գրադուիլիրովկան»

Ինչպե՞ս է կատարվում եզրագծով կտրումը:

Նշեք ճակատի մազափնջերի տեսակները:

Ինչպե՞ս է կատարվում ճակատային մազափնջի ֆիլիրովկան և եզրակտրումը:
